

ԼՈՒՄԻՆԵ ԵՆԳՈՅԱՆ

ԽԱՌԸ ԵՎ ԱՆԿԱՆՈՆ ՀՈԼՈՎՈՒՄՆԵՐԻՆ ՊԱՏԿԱՆՈՂ
ԲԱՌԵՐԻ ԶՈՒԳԱԶԵՎՈՒԹՅՈՒՆԸ ԳՐԱԲԱՐՈՒՄ
(ՍԵՌԱԿԱՆ-ՏՐԱԿԱՆ ՀՈԼՈՎՆԵՐ)

Լեզվի զարգացման ընթացքում փոխվում են բառերի քերականական իմաստների արտահայտման միջոցները՝ առաջ բերելով լեզվական ձևերի տարբերակներ: Այդ տարբերակները ստեղծում են լեզվական զուգաձևություններ կամ լեզվական զուգահեռ ձևեր. դրանք կարող են գոյակցել լեզվի համաժամանակյա կտրվածքում, մինչև դրանցից մեկը դուրս գա գործածությունից:

Ընդհանրապես լեզվական զուգաձևությունները (բազմաձևությունները) ձգտում են միօրինակացման, մինչդեռ լեզվական տվյալ փուլում առկա զուգաձևությունները հակադրվում են այդ միտումին:

Լեզվական զուգաձևությունները բառային կամ քերականական այն ձևերն են, որոնք իմաստով (ֆունկցիայով) նույնն են, ձևով՝ տարբեր¹:

Լեզվական զուգաձևությունները հարացույցի մեջ ստեղծում են հավելավոր ձևեր, որոնք այլ կերպ կոչվում են հոմանիշ բառաձևեր: Գրաբարում հավելավոր հարացուցային ձևեր ունեն որոշ գոյականներ, դերանուններ և բայեր:

Հմմտ. ե ներքին թեքման գոյականների հոգնակի հոլովաձևերը սեռական, տրական, բացառական և գործիական հոլովներում. անգեղք-անգեղց (անգեղաց) - անգեղց (անգեղաց) - յանգեղց (յանգեղաց) - անգեղքք (անգեղալք): Ցուցական որոշ դերանուններ նույն հոլովների եզակի և հոգնակի ձևերում ունեն զուգաձևություն. այս - այսր (այսորիկ) - այսմ (այսմիկ) - յասմ (յասմանե) - այսու (այսուիկ), այսք (այսորիկ) - այսց (այսոցիկ) - այսց (այսոցիկ) - զայս (զայսոսիկ) - յասց (յասցանե) - այսոցիք (այսոցիմք) և այլն: Լինել (իմ) անկանոն բայը ստորադասական եղանակի երկրորդ ապառնի ժամանակում ունի հավելավոր հարացուցային ձևեր (կազմված առաջին և երկրորդ հիմքերով). եղեց - եղիցիս - եղիցի, եղիցուք - եղիցիք - եղիցին և (լիցիմ) - լիցիս - լիցի, լիցուք - լիցիք - լիցին² և այլն:

¹ Տես Հ.Պետրոսյան, Ա. Գալստյան, Թ. Ղարազուլյան, Լեզվաբանական բառարան, Եր., 1975, էջ 100:

² Լ.Խաչատրյան, Լեզվաբանության ներածություն, Ե., 2008, էջ 214:

Գրաբարում լեզվական տարբերակները (զուգածնությունները) առավելապես տարածված են գոյականի հոլովման և բայի խոնարհման համակարգերում:

Գոյականի համակարգում առկա զուգածնությունները առավելապես գործում են թեք հոլովներում, ընդ որում դրանք հանդիպում են ինչպես պարզ հոլովներում, այնպես էլ խառը և անկանոն հոլովման գոյականների թեքական ձևերում:

Լեզվական փաստերի ուսումնասիրությունը ցույց է տալիս, որ զուգածնությունները հանդես են գալիս հետևյալ խառը հոլովներում Ի-Ա, Ո-Ա, իսկ անկանոն կամ զարտուղի հոլովման գոյականներից զուգածնություն են ցուցաբերում գիւղ, հայր, մայր, եղբայր, ար, այր բառերը և նրանցից բաղադրված բարդությունները:

Գրաբարի սեռական // տրական հոլովներում առկա զուգածնություններում կան թե՛ առաջնային, թե՛ երկրորդական, թե՛ կանոնական և թե ոչ կանոնական, ինչպես նաև գրչագրական վրիպակների հետևանքով մեզ հասած զուգահեռ ձևեր:

Հին հայերենում տարբերակայնություն դրսևորում են Ի-Ա (թե՛ ներքին, թե՛ արտաքին), Ո-Ա խառն հոլովման պատկանող բառերը:

Ղիտարկենք դրանք առանձին-առանձին:

Ի-Ա խառն արտաքին հոլովման համար ձևաբանական օրինաչափությունը սահմանում է հետևյալը. ձևական ընդհանրություն չունեցող և ունեցող (-ակ, -ական, -արան, -եակ, -իկ, -իչ, -որդ, -ոց, -ու, -ուկ, -պան, -ստան, -որ // արևոր հնչյունակապակցություններով կամ ածանցներով վերջացող) որոշ հասարակ անուններ, ինչպես նաև որոշ անեզական հասարակ գոյականներ ենթարկվում են Ի-Ա խառն արտաքին հոլովման:

Այս հոլովման շրջանակներում ղիտարկենք այն բառերը, որոնք հոլովվում են նաև այլ հոլովիչներով:

Ի - Ա//Ի. գետ (գետի-գետաց//գետից), շնորի (շնորիի-շնորիաց // շնորիից), սաղմոս (սաղմոսի-սաղմոսաց//սաղմոսից), ազգատոհմ (ազգատոհմի - ազգատոհմաց // ազգատոհմից), աստղագետ (աստղագետի - աստղագիտաց // աստղագիտից), ասպնջական (գոյ. առիթ) (ասպնջականի - ասպնջականաց//ասպնջականից), գուպար (գուպարի - գուպարաց//գուպարից), դաստակերտ (դաստակերտի - դաստակերտաց//դաստակերտից, դիակապուտ (դիակապուտի - դիակապուտաց // դիակապուտից), դիւթ (դիւթի - դիւթաց//դիւթից), թագ (թագի-թագաց//թագից), կապարձ (կապարձի - կապարձաց//կապարձից):

Ի - Ա/Ո. աման (ամանի - ամանաց/ամանոց), աղքատ (աղքատի - աղքատաց/աղքատոց), անկողին (անկողնի - անկողնաց/անկողնոց), անձրեւ (անձրեւի - անձրեւաց/անձրեւոց, ասպար (ասպարի - ասպարաց/ասպարոց), ապտակ (ապտակի - ապտակաց/ապտակոց), ապաստան (ապաստանի - ապաստանաց/ապաստանոց), բաղաբջ (բաղաբջի - բաղաբջաց/բաղաբջոց), բուն (բնի - բնաց // բնոց), կաշառ (կաշառի - կաշառաց/կաշառոց), նշանագիր (նշանագրի - նշանագրաց/նշանագրոց), սնգոյր (սնգոյրի - սնգուրաց/սնգուրոց), տաղանդ, (տաղանդի - տաղանդաց/տաղանդոց), վաստակ (վաստակի - վաստակաց/վաստակոց), բաժակ (բաժակի - բաժակաց/բաժակոց), բազմանիւթ, (բազմանիւթի - բազմանիւթաց/բազմանիւթոց), ծովաթաղանթ (ծովաթաղանթի - ծովաթաղանթաց/ծովաթաղանթոց), նիզակաբուն (նիզակաբունի - նիզակաբունաց/նիզակաբունոց), անծուկ (1. նեղություն, 2. փափագ) (անծուկի - անծուկաց/անծուկոց), զնրութս (զնրութսի-զնրութսաց // զնրութստոց, սնգոյր (սնգոյրի - սնգուրաց/սնգուրոց):

Ի - Ա/ՈԻ. աղանեվաճառ (աղանեվաճառի - աղանեվաճառաց // աղանեվաճառուց, թաւ (հաստ ու թանձր ձայն) (թաւի - թաւաց/թաւուց), սպառազէն (սպառազինի / սպառազինաց/սպառազինուց):

Սալամբ գոյականը թեքվում է ի-ա արտաքին հոլովմամբ: Ձուգահեռաբար հանդիպում են նաև սալամ ձևը (հոգն. ուղղ. սալամունք, սեռ.//տր. սալամանց), որը դրսևորում է ներքին թեքման յուրահատկություններ:

Ուշագրավ է սակուր գոյականի հոլովումը Ի-Ա արտաքին հոլովմամբ՝ ի հակադրություն նույնիմաստ սակր բառի, որը հոլովվում է ե ներքին թեքմամբ: Սօրու գոյականը, որը սովորաբար հոգնակի ձևով է հանդես գալիս, այն է՝ մօրուք (ուղղականում ունի նաև մորու ձևը), ըստ որում երկուսն էլ պատկանում են Ի-Ա խառն արտաքին հոլովման. ուղղական հոլովում դրսևորած տարբերակայնությունը հանգեցնում է սեռական // տրական հոլովներում զուգաձևերի առկայությանը (Ի-Ա հոլովման շրջանակներում):

Յոլով (շատերը) գոյականը թեքվում է Ի // Ի-Ա հոլովման փոխանցումներով: Հոգնակի ուղղականում ունի յոլովք // յոլովիք բառաձևերը, հոգնակի սեռ.//տր. հոլովներում յոլովից // հոլովեաց երկձևությունները:

Հմնտ. նաև կինճ // կինջ - կնճի // կնջի, կնճաց // կնջաց (Ի-Ա), համբարու // համբարի - համբարուի, համբարուաց // համբարույ // համբարեաց (Ի-Ա // Ո-Ա), երասան // երասանակ - երասանի // երասանակի, երասանաց // երասանակաց (Ի-Ա) տարբերակային ձևերը:

Դառն (բառը բանջար) գոյականը հանդես է գալիս ի-ա // ի հոլովման տարբերակներով. դառին // դառնի, -անց // աց:

Ափն, բուռն, դիւցազն, ստեղն, թէկն, ակն, ափն գոյականները հոլով-վում են ի-ա // ա ներքին հոլովումներով. ափին // ափան, բոին // բուան, դիւցազն // դիւցազան, ստեղին // ստեղան, թիկին // թիկան, ակին // ական, ափին // ափան:

Այս կարգի զուգահեռ ձևերի առումով մասնագիտական գրականութեան մէջ շեշտվում է. «Նշելով այս կապը՝ միաժամանակ չի կարելի անտեսել քերականական մասնությունը, որի հիման վրա առանձին բառեր կարող էին շեղվել իրենց հոլովման սկզբնական տիպից: Ըստ պատմա-համեմատական քերականության՝ այս հոլովումները նույն ծագումն ունեն: Սակայն այստեղ խոսքը վերաբերում է հայկական հոդի վրա նրանց ձևավորումից հետո առաջացած առնչություններին»³:

Ռ-Ա խառն արտաքին հոլովման պատկանում են հիմնականում ի ձայնավորով վերջացող բազմավանկ բառերը (բացառությամբ -ցի վերջածանց ունեցող բառերի): Այս հոլովմամբ են թեքվում նաև -ենի, -ոտի, -ուհի վերջածանցներով կազմված բառերը, -ուն վերջածանց ունեցող հատուկ անունները, ինչպես նաև մի շարք անեզական հատուկ և հասարակ գոյականներ:

Ռ-Ա հոլովման պատկանող որոշ բառեր եզակի տրականում երկրորդաբար ստանում են -ջ հոլովակերտը. տամալի - տամալոյ // տամազուջ, այգի - այգույ // այգուջ, ծղխնի - ծղխնույ // ծղխնուջ, ջորի - ջորույ // ջորուջ, դալարի - դալարույ // դալարուջ, կղզի - կղզույ // կղզուջ, տարի - տարույ // տարուջ, տեղի - տեղույ // տեղուջ:

Սեռական-տրական հոլովներում Ռ-Ա // Ի զուգահեռ ձևեր են առաջանում ուղղականում արծուի // արծիւ ձևերի առկայությամբ. արծուոյ (արծուեաց) // արծուի:

Ի ձայնավորով վերջացող բազմավանկ բառերի շրջանակներում հանդիպում են ձևաբանորեն - հնչյունափոխական երկծնույթներ. խարամանի - խարամանույ // խարամանոյ (խարամանեաց):

-եայ-ով վերջացող բառերը, որոնք պատկանում են Ի հոլովման, հոգնակի թվում թեքվում են նաև Ռ-Ա խառն հոլովման օրինակով՝ սեռական // տրական հոլովներում դրսևորելով նաև հնչյունափոխական զուգաձևություններ. Արևելեայք - Արևելեայք // Արևելեաց, դուզնաքեայք - դուզնաքեայք // դուզնաքեաց, Հայաստանեայք - Հայաստանեայք // Հայաստանեաց:

Ռ - Ա/Ռ հոլովումների շրջանակներում զուգաձևություններ են դրսևորում հետևյալ գոյականները. Արշակունիք - Արշակունեաց // Արշակունուց,

³ Ա. Աբրահամյան, Գրաբարի ձեռնարկ, Եր., «Լույս» հրատ., 1976, էջ 64:

Ասորի - Ասորեաց // Ասորուց (Ո հոլովմամբ հատկապես, երբ ոչ թե երկիրը, այլ ազգությունն է մատնանշվում)⁴: Ո - Ա/Ո հոլովման փոխանցումներով են հանդես գալիս նաև գինի (գինույ - գինեաց // գինուց), մեռելոտի (մեռելոտույ - մեռելոտեաց // մեռելոտուց), ջորի (ջորույ - ջորեաց // ջորուց), հոգի (վերջինս իր համար ոչ կանոնական Ո-Ա հոլովմամբ պատահում է սակավ դեպքերում) (հոգույ - հոգեաց // հոգուց) բառերը:

Անկանոն կամ զարտուղի հոլովման մեջ ընդգրկված են հինհայերենյան այն բառերը, որոնք թեք հոլովածներում հատուկ հոլովիչներ չեն ստանում և ենթարկվում են հնչյունական անսովոր փոփոխությունների: Անկանոն հոլովման ենթակա են այր (տղամարդ), տեր, հայր, մայր, եղբայր, քույր, կին, տիկին, ար // օր, գիւղ, տիւ գոյականները:

Ուշագրավ է այն հանգամանքը, որ այս բառերը գրաբարի քերականություններում ներառվել են այս կամ այն կանոնավոր հոլովման մեջ, թեպետև վերջիններիս առունձվ ընդգծվել է հոլովման զարտուղի լինելու հանգամանքը⁵:

Ինչպես նշվում է մասնագիտական գրականության մեջ «անկանոն հոլովման ենթարկվող բոլոր բառերի այս կամ այն ձևի մեջ անշուշտ նկատվում է հայերենի օրինաչափ հոլովումների այս կամ այն պատկերը, բայց պատմական շրջանում բառը վերցնում ենք իր փոփոխության ամբողջականության մեջ, իսկ երբ այդպես ենք դիտում, իսկապես կա անկանոն կամ զարտուղի հոլովում, որին պատկանող բառերից յուրաքանչյուրն անշուշտ մի կանոնավոր հոլովման մնացորդ է կամ տարբեր կանոնավոր հոլովումների բաղադրության հետևանք»⁶:

Դիտարկենք քույր գոյականի սեռական // տրական քեռ, քերց առաջնային ձևերի կողքին երկրորդային հետևյալ կիրառությունները. քույր // քօր // քուեր, քեռց // քուերց:

Գիւղ գոյականը հոգնակի սեռական // տրական հոլովներում պատահում է նաև Ա հոլովիչով. եզակի թիվ. գեղջ, հոգնակի թիվ. գիւղից // գիւղաց: Հմմտ. նաև եզակի թիվ. գեւղջ // գեաւղջ // գեաւղջ երկրորդական ձևերը: Հոգնակի թվում գիւղից // գիւղաց ձևերի համեմատ երկրորդական է գեաւղից

⁴ Ընդհանրապես զուգաձևություններում կարևոր է դրանցից յուրաքանչյուրի իմաստային առանձնահատկությունը:

⁵ Հմմտ. Ա հոլովում. այր, տեր, հայր, մայր, եղբայր, կին, Ե հոլովում. քույր, Ի հոլովում. գիւղ, Ու հոլովում. ար // օր (տես Ա. Բագրատունի, նշվ. աշխ., էջ 34 – 37), Ա հոլովում. այր, տեր, մայր, հայր, եղբայր, Ե հոլովում. քույր, Ո-Ա հոլովում. կին, տիկին, Ե-Ի հոլովում. գիւղ, Ու հոլովում. ար, Ա հոլովում. տիւ (տես Ա. Աբրահամյան, էջ 53):

⁶ Վ. Առաքելյան, Գրաբարի քերականություն, հ. 1, եր., «Վիամիկ» հրատ., 2008, էջ 66 – 67:

հոլովածը: Անկանոն հոլովման պատկանող բառերում զուգածնություններ հանդիպում են հատկապես հոգնակի սեռական // տրական հոլովներում. տէր - (տեառն), տեարց // տերանց, հայր - (հաւր // հօր), հարց // հարանց, կին - (կնոջ), կանանց // կանաց, տիկին - (տիկնոջ), տիկնայց // տիկնաց:

Հայր, մայր և եղբայր բառերը եզակի սեռական // տրական հոլովներում հանդես են գալիս հնչյունափոխական հետևյալ տարբերակներով հաւր // հօր, մաւր // մօր, եղբայր // եղբօր:

Աւր գոյականը տրական հոլովում աւուր հոլովածի կողքին ունի նաև երկրորդական օրին ձևը:

Այր բառի եզակի սեռական // տրական հոլովներում առն բառածին զուգահեռ հանդիպում է նաև արան ձևը:

Հոլովման մեջ անկանոնություն հանդես բերող այդօրինակ գոյականների նման են թեքվում նաև նրանցով բաղադրված բարդությունները. սկեսրայր - սկեսրառն // սկեսրայր // սկեսրեայ // սկեսրէ (հնագույն ձևեր են), տանուտէր - տանուտեառն, տանուտեարց // տանուտերանց // տանուտերաց:

Այսպիսով, ի մի բերելով գրաբարյան սեռական // տրական հոլովներում հանդիպող զուգածնությունների վերաբերյալ մեր դիտարկումները՝ կարելի է եզրակացնել.

1. Հին հայերենում հոլովական զուգածնություն դրսևորում են Ի-Ա, Ո-Ա խառն, ինչպես նաև անկանոն հոլովում ունեցող գոյականները:
2. Սեռական // տրական հոլովներում հանդիպող զուգածնություններում պատահում են գրաբարի ինչպես դասական շրջանից, այնպես էլ հնագույն ժամանակներից մեզ հասած ձևեր, ըստ որում թե՛ հոլովման փոխանցումներով և թե՛ միևնույն հոլովման շրջանակներում հնչյունափոխական տարատեսակություններով:
3. Հոլովական երկձևություններ և բազմածնություններ ի հայտ են բերում թե՛ հասարակ, թե՛ հատուկ գոյականները:
4. Սեռական // տրական հոլովներում առկա են թե՛ կանոնական և թե՛ ոչ կանոնական զուգահեռ ձևեր:
5. Ընդհանրապես հոլովական զուգածնություններում կարևորվում է այս կամ այն ձևի արտահայտած մասնավոր (բառական) իմաստը: